



故番禺侯以贓罪致不辜事覺他日過其門
飲鳩非君命茲身亦厚亡江陵從種橘交廣合投
香不見千金子空餘數仞墻教人須顯戮誰舉漢
三章

詠雲

捧月三更斷藏星七夕明纔聞飄迴路旋見隔重
城潭暮隨龍起河秋壓鴈聲只應唯宋玉知是楚
神名

夜出西溪

東府憂春盡西溪許日曛月澄新漲水星見欲銷
雲柳好休傷別松高莫出群軍書雖倚馬猶未當
能文

九月於東逢雪

舉家忻共報秋雪墮前峯嶺外他年憶於東此日
逢粒輕還自亂花薄未成重豈是驚離髻應來洗
病容

僧院牡丹

葉薄風才倚枝輕霧不勝開先如避客色淺爲依
僧粉壁正蕩水細幃初卷燈傾城唯待笑要裂幾
多緇

送豐都李尉

萬古商於地憑君泣路岐固難尋綺季可得信張
儀雨氣燕先覺葉陰蟬遽知望鄉尤忌晚山晚更
參差

訪隱

路到層峯斷門依老樹開月從平楚轉泉自上方
來薤白羅朝饌松黃暖夜杯相留笑孫綽空解賦

天台

寓興

薄宦仍多病從知竟遠遊
譚諧叨客禮休澣接冥
搜樹好頻移榻雲奇不下樓
豈關無景物自是有
鄉愁

歸來

舊隱無何別歸來始更悲
難尋白道士不見惠禪
師草逕蟲鳴急沙渠水下
遲却將波浪眼清曉對
紅梨

子直晉昌李花

吳館何時熨秦臺幾夜熏
綃輕誰解卷香異自先
聞月裏誰無姊雲中亦有君
罇前見飄蕩愁極客
襟分

河清與趙氏昆季讌集得擬杜工部

勝槩殊江右佳名逼渭川
虹收青嶂雨鳥沒夕陽
天客鬢行如此滄波坐渺然
此中真得地漂蕩釣
魚船

寓目

園桂懸心碧池蓮
飲眼紅此生真遠客
幾別卽衰翁
小幌風烟入高窓
霧雨通新知他日好錦瑟
傍朱櫳

登霍山驛樓

廟列前峰迴樓開四望窮
嶺巖嵐色外陂鴈夕陽
中弱柳千條露衰荷
一向風壺關有狂孽速繼老
生功

寄和水部馬郎中題興德驛時昭義已平

仙郎倦去心鄭驛
暫登臨水色瀟湘濶
沙程朔漠

深鷁舟時往復鷗鳥恣浮沉
更想逢歸馬悠悠岳
樹陰

思賢頓

內殿張絃管中原絕鼓鼙
舞成青海馬鬪殺汝南
鷄不見華胥夢空聞下蔡迷
宸襟他日淚薄暮望賢西

有懷在蒙飛卿

薄宦頻移疾當年久索居
哀同庾開府瘦極沈尚
書城綠新陰遠江清返照虛
所思惟翰墨從古待

雙魚

春深脫衣

睥睨江鴉集堂皇海燕過減衣憐蕙若展鄣動烟
波日烈憂花甚風長奈柳何陳遵容易學身世醉
時多

懷求古翁

何時粉署仙傲兀逐戎旃關塞猶傳箭江湖莫繫
船欲收棋子醉竟把釣車眠謝眺真堪憶多才不
忌前

五月六日夜憶往歲秋與澈師同宿

紫閣相逢處丹巖議宿時墮蟬翻敗葉棲鳥定寒
枝萬里飄流遠三年問訊遲炎方憶初地頻夢碧
琉璃

城上

有客虛投筆無慘獨上城沙禽失侶遠江樹着陰
輕邊遽稽天討軍須竭地征賈生游刃極作賦又
論兵

如有

如有瑤臺客相難復索歸芭蕉開綠扇菡萏薦紅
衣浦外傳光遠烟中結響微良宵一寸艷回首是
重幃

晉昌晚歸馬上贈

西北朝天路登臨思上才城閒烟草遍村暗雨雲
回人豈無端別猿應有意哀征南予更遠吟斷望
鄉臺

清夜怨

含淚坐春宵聞君欲度遼綠池荷葉嫩紅砌杏花

嬌曙月當窓滿征雲出塞遙畫樓終日閉清管爲
誰調

無題

含情春晚

院一作

晚暫見夜闌干樓響將登怯簾袂

欲過難多羞釵上鷺真愧鏡中鸞歸去橫塘曉華
星送寶鞍

無題

幽人不倦賞秋暑貴招邀竹碧轉悵望池清尤寂
寥露花終裊濕風蝶強嬌嬌此地如攜手兼君不

自聊

五言律

終

李商隱詩集

五言排律

贈送前劉五經映三十四韻

建國宜師古興邦屬上庠從來以儒戲安得振朝
 綱叔世何多難茲基遂已亾泣麟猶委吏歌鳳更
 佯狂屋壁餘無幾焚坑逮可傷挾書秦二世壞宅
 漢諸王草草臨盟誓區區務富强微茫金馬署狼
 籍鬪鷄場盡欲心無竅皆如面正墻驚疑豹文鼠
 貪竊虎皮羊南渡宜終否西遷冀小康策非方正

士貢絕孝庶郎海鳥悲鐘鼓狙公畏服裝多岐空
擾擾幽室竟佺佺凝邈爲時範虛空作士常何由
羞五霸直自訾三皇別派驅揚墨他鑣並老莊詩
書資破冢法制困探囊周禮仍存魯隋師果禪唐
鼎新麾一舉革故法三章星宿森文雅風雷起退
藏縲囚爲學切掌固受經忙夫子時之彥先生蹟
未荒褐衣終不召白首興難忘感激誅非聖棲遲
到異張片辭裏有德一字貶無良燕地尊鄒衍西
河重卜商式間真道在擁篲信謙光

外舅太原公亦受經於公

也獲預青衿列叨來絳帳旁雖從各言志還要大
爲防弗謂孤寒棄深憂訐且妨叔孫讒易得盜跖
暴難當鴈下秦雲黑蟬休隴葉黃莫踰力履念容
許後昇堂

哭遂州蕭侍郎二十四韻

遙作時多難先令禍有源初驚逐客議旋駭黨人
冤密侍榮方入司刑望愈尊皆因優詔用實有諫
書存苦霧三辰沒窮陰四塞昏虎威狐更假隼擊
鳥踰喧徒欲心存闕終遭耳屬垣遺音和蜀魄易

簣對巴猿有女悲初寡無男泣過門

公止裴氏一女結禰之明

年又喪良人

朝爭屈原草廟餒莫教冤迴閣傷神峻長

江極望翻青雲寧寄意白骨始霑恩早歲思東閣

為邦屬故園

余初謁於鄭舍

登舟慙郭泰解榻愧陳蕃分

以忘年契情猶錫顛敦公先真帝子我系本王孫

嘯傲張高蓋從容接短轅秋吟小山桂春醉後堂

萱自歎離通籍何嘗忘叫闈不成穿壙入終擬上

書論多士選魚貫云誰正駿奔暫能誅倏忽長與

問乾坤蟻漏三泉路蟹啼百草根始知同泰講徼

福是虛言

送千牛李將軍赴闕五十韻

照席瓊枝秀當年紫綬榮班資古直閣勳伐舊西

京在昔王綱紊因誰國步清如無一戰霸安有大

橫庚內監依憑切凶門責望輕中台終惡直上將

更要盟丹陛祥烟滅皇闈煞氣橫喧闐衆狙怒容

易八蠻驚檣杙寬之久防風戮不行素來矜異類

此去豈親征捨魯真非策居邠未有名曾無力牧

御寧待雨師迎火箭侵乘石雲橋逼禁營何時絕

刁斗不夜見攬捨屢亦聞投鼠誰其敢射鯨世情
休念亂物議笑輕生大鹵思龍躍蒼梧失象耕靈
衣沾媿汗儀馬困陰兵別館蘭薰酷深宮蠟焰明
黃山遮舞態黑水斷歌聲縱未移周鼎何辭免趙
坑空卷轉鬪地數板不沉城且欲憑神筭無因計
力爭幽囚蘇武節弃市仲由纓下殿言終驗增埤
事早萌先時桑道茂請修奉天城蒸鷄殊減膳屑翅異和羹否
極時還泰屯餘運果亨流離幾南度倉卒得西平
神鬼收昏黑姦兇首滿盈官非督護貴師以丈人

貞覆載還高下寒暄急改更馬前烹菴卓壇上挹
韓彭扈蹕三才正迴軍六合晴此時唯短劔仍世
盡雙旌顧我由羣從逢君歎老成慶流歸嫡長貽
厥在名卿隼擊須當要鵬搏莫問程趨朝排玉座
出位泣金莖幸藉梁園賦叨蒙許氏評中郎推貴
婿定遠重時英政已標三尚人今佇一鳴長刀懸
月魄快馬駭星精披豁慙深眷睽離動素誠蕙留
春晚晚松待歲崢嶸異縣期迴鴈登時已飯鯖去
程風刺刺別夜漏丁丁庾信生多感楊朱死有情

絃危中婦瑟甲冷想夫箏會與秦樓鳳俱聽漢苑
鸞洛川迷曲沼烟月兩心傾

詠懷寄秘閣舊僚二十六韻

年髡日堪悲衡茅益自嗤攻文枯若木處世鈍如
鎚敢忘垂堂誠寧將暗室欺懸頭曾苦學折臂友
成醫僕御嫌夫懦孩童笑叔癡小男方嗜粟幼女
漫憂葵遇炙誰先噉逢螿卽便吹官銜同畫餅面
貌乏凝脂典籍將蠹測文章若管窺圖形翻類狗
入夢肯非熊自哂成書鹿終當咒酒卮懶霑襟上

血羞鑷鏡中絲橐籥言方喻樗蒲齒詎知事神徒
惕慮佞佛愧虛辭曲藝垂麟角浮名狀虎皮乘軒
寧見寵巢幕更逢危禮俗拘嵇喜侯王忻戴逵途
窮方結舌靜勝但指頤糲食空彈劔亨衢詎置錐
栢臺成口號芸閣暫肩隨悔逐遷鶯伴誰觀捫虱
時甕間眠太率牀下隱何卑奮跡登弘閣摧心對
董帷校讐如有暇松竹一相思

四年冬以退居蒲之永樂渴然有農夫望歲
之志遂作憶雪又作殘雪詩各一百言以

寄情于游舊

憶雪

愛景人方樂同雲候稍憊徒聞周雅什願賦朔風
篇欲俟千箱慶須資六出妍詠留飛絮後歌唱落
梅前庭樹思瓊蓋粧樓認粉絲瑞邀盈尺日豐待
兩岐年預約延枚酒虛乘訪戴船映書孤志業披
篋阻神仙幾向霜堦步頻將月幌褰玉京應已足
白屋但顯然

殘雪

旭日開晴色寒空失素塵遶墻全剝粉傍井漸銷
銀刻獸摧鹽虎爲山倒玉人珠還猶照魏璧碎尚
留秦落日驚侵晝餘光悞惜春簷冰滴鵝管屋瓦
鏤魚鱗嶺霽嵐光坼松暄翠粒新擁林愁拂盡着
砌恐行頻焦寢忻無患梁園去有因莫能知帝力
空此荷平均

太鹵平後移家到永樂縣居書懷十韻寄劉

韋二前輩二公嘗於此縣寄居

驅馬遶河干家山照露寒依然五柳在况值百花

殘昔去驚投筆今來分挂冠不憂懸磬乏乍喜覆
孟安甌破寧迴顧舟沉豈暇看脫身離虎口移疾
就猪肝鬣入新年白顏無舊日丹自悲秋穫少誰
懼夏畦難逸志忘鴻鵠清香披蕙蘭還持一盃酒
坐想二公懽

自桂林奉使江陵途中感懷寄獻尚書

下客依蓮幕明公念竹林

公與江陵相國韶叙叔姪

縱然膺使

命何以奉徽音投刺雖傷晚酬恩豈在今迎來新
瑣闥從到碧瑤岑水勢初知海天文始識參固慙

非賈誼唯恐後陳琳前席驚虛辱華樽許細斟尚
憐秦痔苦不遣楚醪沉旣載從戎筆仍披選勝襟
瀧通伏波柱簾對有虞琴宅與嚴城接門藏別岫
深閣涼松冉冉堂靜桂森森社內容周續鄉中保
展禽白衣居士訪烏帽逸人尋佞佛將成傳耽書
或類滎長懷五殺贖終著九州箴良訊封鴛綺餘
光借玳簪張衡愁浩浩沈約瘦悁悁蘆白疑粘鬣
楓丹欲照心歸期無鴈報旅抱有猿侵短日安能
駐低雲只有陰亂鴉衝暎網寒女簇遙碁東道違

寧久西園望不禁江生鬼黯黯泉客淚泔泔逸翰
應藏法高辭肯浪吟數須傳庾翼莫獨與盧謐假
寐憑書簾哀吟扣劔鐔未嘗貪偃息那復議登臨
彼美迴清鏡其誰受曲針人皆向燕路無乃費黃金

送從翁從東川弘農尚書幕

大鎮初更帥嘉賓素見邀使車無遠近歸路更烟
霄穩放驂騶步高安翡翠巢御風知有在去國肯
無聊早忝諸孫末俱從小隱招心懸紫雲閣夢斷
赤城標素女悲清瑟秦娥弄碧簫山連玄圃近水
接絳河遙豈意聞周鐸翻然慕舜韶皆辭喬木去
遠逐斷蓬飄薄俗誰其激斯民已甚恍鸞皇期一
舉燕雀不相饒敢共頽波遠因之內火燒是非過
別夢時節慘驚飈未至誰能賦中乾欲病消屢曾
紆錦繡勉欲報瓊瑤我恐霜侵鬢君先綬挂腰甘
心與陳阮揮手謝松喬錦里差隣接雲臺閉寂寥
一川虛月鬼萬崦自芝苗瘴雨瀧間急離魂峽外
銷非關無燭夜其奈落花朝幾處逢鳴珮何筵不

翠翹蠻僮騎象舞江市賣鮫綃南詔知非敵西山
亦屢驕勿貪佳麗地不爲聖明朝少減東城飲時
看北斗杓莫因乖別久遂逐歲寒凋盛幕開高宴
將軍問故寮爲言公玉季早日棄漁樵

五言述德抒情詩一首四十韻獻上杜七兄

僕射相公

帝作黃金闕仙開白玉京有人扶太極維岳降元
精耿賈官勲大荀陳地望清旂常懸祖德甲令著
嘉聲經出宣尼壁書留晏子楹武鄉傳陣法踐土

主文盟自昔流王澤由來仗國禎九河分合脊一
柱忽崢嶸得主勞三顧驚人肯再鳴碧虛天共轉
黃道日同行後飲曹參酒先和傳說羨卽時賢路
闢此夜泰階平願保無疆福將圖不朽名率身期
濟世叩額慮興兵感念嶠屍露咨嗟趙卒坑儻令
安隱忍何以贊貞明惡草雖當路寒松實挺生人
言真可畏公意本無爭故事留臺閣前驅且旆旌
芙蓉王儉府楊柳亞夫營清嘯頻踈俗高談屢析
醒過庭多令子乞墅有名甥南詔應聞命西山莫

敢驚寄辭收的博端坐掃攬捨雅宴初無倦長歌
底有情檻危春水暖樓迴雪峯晴移席牽緗蔓迴
於今滯下卿登門慙後至置驛恐虛迎自是依劉
表安能比老彭雕龍心已切畫虎意何成豈省曾
黔突徒勞不倚衡乘時乖巧宦占象合艱貞廢忘
淹中學遲迴谷口耕悼傷潘岳重樹立馬遷輕隴
鳥悲丹觜湘蘭怨紫莖歸期過舊歲旅夢繞殘更
弱植叨華族衰門倚外兄欲陳勞者曲未唱淚先

橫

今日二日不自量度輒以詩一首四十韻干

瀆尊嚴伏蒙仁恩俯賜披覽獎踰其實情
溢於辭顧惟踈蕪曷用酬戴輒復五言四
十韻詩一章獻上亦詩人咏嘆不足之義
也

家擅無雙譽朝居第一功四時當首夏八節應條
風滌濯臨清濟巉巖倚碧嵩鮑壺冰皎潔王佩玉
丁東

執事虞決錄要注云漢末絕無玉佩侍中王粲識舊佩始復作之今玉佩受法於粲也故云

處劇張京兆通經戴侍中將星臨迥夜卿月麗層
穹下令銷秦盜高談破宋孽含霜太山竹拂霧嶧
陽桐樂道乾知退當官蹇匪躬服箱青海馬入兆
渭川熊固是符真宰徒勞讓化工鳳池春漱灑鷄
樹曉曛矓願守三章約期嘗九譯通薰琴調大舜
寶瑟和神農慷慨資元老周旋值狡童仲尼羞問
陣魏絳喜和戎款款將除蠹孜孜欲達聰所求因
涓濁安肯與雷同物議將調鼎君恩忽賜弓開吳
相上下全蜀占西東銳卒魚懸餌豪胥鳥在籠疲
民呼杜母隣國仰羊公置驛推東道安禪合社宗
嘉賓增重價上士悟真空扇舉遮王導樽開見孔
融烟飛愁舞罷塵定惜歌終岸柳兼池綠園花映
燭紅未曾周顛醉轉覺季心恭繫滯喧人望便蕃
屬聖衷天書何日降庭燎幾時烘早歲乖投刺今
晨幸發蒙遠途哀跛鼈薄藝獎雕蟲故事曾尊隗
前脩有薦雄終須煩刻畫聊擬更磨礪蠻嶺晴留
雪巴江晚帶楓營巢憐越燕裂帛待燕鴻自苦誠
先藥長飄不後蓬容華雖健少思緒卽悲翁感激

淮山館優游碣石宮待公三入相丕祚始無窮

夜思

銀箭耿寒漏金釭凝夜光綵鸞空自舞別燕不相
將寄恨一尺素含情雙玉璫會前猶月在去後始
宵長往事經春物前期託報章永令虛粲枕長不
掩蘭房覺動迎猜影疑來浪認香鶴應聞露警蜂
亦爲花忙古有陽臺夢今多下蔡倡何爲薄冰雪
消瘦滯非鄉

寓懷

綵鸞餐顥氣威鳳食卿雲長養三清境追隨五帝
君烟波遺汲汲矰繳任三云下界圍黃道前程合
紫氛金書唯是見玉管不勝聞草爲迴生種香緣
却死熏海明三島見天迴九江分峩樹無勞援神
禾豈用耘鬪龍風結陣惱鶴露成文漢殿霜何早
秦宮日易曛星機拋密緒月杵散靈芬陽鳥西南
下相思不及羣

木蘭

二月二十二木蘭開拆初初當新病酒復自久離

居愁絕更傾國驚新聞遠書紫絲何日鄣油壁幾
時車弄粉知傷重調紅或有餘波痕空映襪烟態
不勝裾桂嶺含芳遠蓮房屬意踈瑤姬與神女長
短定如何

細雨成詠獻尚書河東公

灑砌聽未響卷簾看已迷江間風斲定雲外日應
西稍稍落蝶粉斑斑融燕泥颭萍初過沼重柳更
綠堤必擬和殘漏寧無晦暝輦半將花漠漠全共
草萋萋猿別方長嘯烏驚始獨棲府公能入詠聊

且續新題

病中聞河東公樂管置酒口占寄上

聞駐行春旆中途賞物華緣憂武昌柳遂憶洛陽
花稽鶴元無對荀龍不在誇只將滄海月長壓赤
城霞興欲傾燕館歡終到習家風長應側帽路隘
豈容車樓迴波窺錦窓虛日弄紗鑲門金了鳥展
障玉鴉叉舞妙從兼楚歌能莫雜巴必投潘岳果
誰操襴衡搥刻燭當時忝傳杯此夕賒可憐漳浦
卧愁緒獨如麻

擬意

悵望逢張女遲迴送阿侯空看小垂手忍問大刀
頭妙選茱萸帳平居翡翠樓雲屏不取暖月扇未
障羞上掌真何有傾城豈自由楚妃交薦枕漢后
共藏闔夫向羊車覓男從鳳穴求書成被襖帖唱
殺畔牢愁夜杵鳴江練春刀解石榴象牀穿憶網
犀帖釘窓油仁壽遺明鏡陳倉拂綵毬真防舞如
意佯蓋卧筵篔濯錦桃花水濺裙杜若洲魚兒懸
寶劔燕子合金甌銀箭催搖落華筵慄去留幾時

銷薄怒從此抱離憂帆落啼猿峽樽開畫鷁舟急
絃腸對斷剪蠟淚爭流璧馬誰能帶金蟲不復收
銀河撲醉眼珠串咽歌喉去夢隨川后來風貯石
郵蘭叢銜露重榆莢點星稠解佩無遺跡凌波有
舊遊曾來十九首私識詠牽牛

謝往桂林至彤庭竊詠

辰象森羅正鈎陳翊衛寬魚龍排百戲劔珮儼千
官城禁將開晚宮深欲曙難月輪移几席仙路下
闌干共賀高襟應將陳壽酒歡金星壓芑角銀漢

展波瀾王母來空濶羲和上屈盤鳳皇傳詔旨獬豸冠朝端造化中台座威風大將壇甘泉猶望幸早晚冠呼韓

送從翁從東川弘農尚書幕

昔帝迴冲眷維皇惻上仁三靈迷赤氣萬彙叫蒼旻刊木方隆禹陞而始創殷夏臺曾圯閉汜水敢逡巡拯溺休規步防虞要徙薪蒸黎今得請宇宙昨還淳績祖功宜急貽孫計甚勤降災雖代有稔惡不無因官掖方爲蠱邊隅忽邁屯獻書秦逐客

間謀漢名臣吐伐將誰使南征決此辰中原重板蕩玄象失鈞陳詰旦違清道銜枚別紫宸茲行殊厭勝故老遂分新去異封於鞏來寧避處幽永嘉幾失墜宣政遽酸辛元子當傳啓皇孫合授詢時非三指讓表請再陶鈞舊好盟還在中樞策屢遵蒼黃傳國爾違遠屬車塵鷓鴣如憑怒聚龍性漫馴封崇自何等流落迺斯民逗撓官軍亂優容敗將頻早朝披草莽夜譴達絲綸忘戰追無及長驅氣益振婦言終未易廟略况非神日馭難淹蜀星

旄要定秦人心誠未去天道亦無親錦水湔雲浪
黃山掃地春斯文虛夢鳥吾道欲悲麟斷續殊鄉
淚存亾蒲席珍魂消季羔竇衣化子張紳建議庸
何所通斑昔濫臻浮生見開泰獨得詠汀蘋

哭虔州楊侍郎

虞卿

漢網踈仍漏齊民困未蘇如何大丞相翻作弛刑
徒中憲方外易尹京終就拘本矜能弭謗先議取
非辜巧有凝脂密功無一柱扶深知獄吏貴幾迫
季冬誅叫帝青天濶辭家白日晡流亾誠不吊神

理若爲誣在昔恩知忝諸生禮秩殊入韓非劔客

過趙受鉗奴楚水招魂遠邨山卜宅孤甘心親塚

蟻旋踵戮城狐

是冬舒李伏易

陰隲今如此天災未可無

莫憑牲玉請便望救焦枯

寄太原盧司空三十韻

隋艦臨淮甸唐旗出井陘斷螯摺四柱卓馬濟三
靈祖業隆盤古孫謀復大庭從來師傑俊可以煥
丹青舊族開東岳雄圖奮北溟邪同獬豸觸樂伴
鳳凰聽酣戰仍揮日降妖亦鬪霆將軍功不伐叔

舅德惟馨鷄塞誰生事狼烟不暫停擬填滄海鳥
敢竟太陽營內草纔傳詔前茅已勒銘那勞出師
表盡入大荒經德水縈長帶陰山繚畫屏只憂非
縈肯未覺有膾腥保佐資冲漠扶持在杳冥乃心
防暗室華髮稱明廷按甲神初靜揮戈思欲醒羲
之當妙選小第義叟早蒙眷以嘉姻孝若近歸寧三十五丈名府高科來歸
膝下月色來侵幌詩成有轉櫺羅含黃菊宅柳憚白
蘋汀神物龜馴孔僊才鶴姓丁西山童子藥南極
老人星自頃徒窺管於今愧挈瓶何由叨末席還

得叩玄扃莊叟虛悲鴈終童漫識鼙幕中雖策畫
劔外且伶俜俛俛行忘止鰥鰥卧不瞑身應瘠於
魯淚欲溢爲榮禹貢思金鼎堯圖憶土劔公乎來
入相王欲駕云亭

垂柳

垂柳碧髯茸樓昏雨帶容思量成夜夢未久發春
慵梳洗憑張敞乘騎笑稚恭碧虛隨轉笠紅燭近
高春怨目明秋水愁眉澹遠峯小欄花盡蝶靜院
醉醒蛩舊作琴臺鳳今爲藥杏龍寶奩拋擲久一

任景陽鐘

和孫朴韋蟾孔雀詠

此去三梁遠今來萬里攜西施因網得秦客被花
迷可在青鸚鵡非關碧野鷄約眉憐翠羽刮膜想
金篦瘴氣籠飛遠蠻花向坐低輕於趙皇后貴極
楚懸黎都護矜羅幕佳人炫繡桂屏風臨燭卸捍
撥倚香臍舊思牽雲葉新愁待雪泥愛堪通夢寐
畫不得端倪地錦排蒼鴈簾釘鏤白犀曙霞星斗
外涼月露盤西妬好休誇舞經寒且少啼紅樓三

十級穩穩上丹梯

商於

商於朝雨霽歸路有秋光背塢猿收果投巖麝追
香建瓴真得勢橫戟豈能當割地張儀詐謀身綺
季長清渠州外月黃葉廟前霜今日看雲意依依
入帝鄉

鬲令狐郎中見寄

望郎臨古郡佳句灑丹青應自丘遲宅仍過柳惲
汀封來江渺渺信去雨冥冥句曲聞仙訣臨川得

佛經朝吟措客枕夜讀漱僧瓶不見銜蘆鴈空流
腐草螢土宜悲坎井天怒識雷霆象卉分疆近蛟
涎浸岸腥補羸貪紫桂負氣託青蘋萬里懸離抱
危於訟閣鈴

碧瓦

碧瓦銜珠樹紅輪結綺寮無雙漢殿髡第一楚宮
腰霧唾香難盡珠啼冷易消歌從雍門學酒是蜀
城燒柳暗將翻巷荷欹正抱橋鈿轅開道入金管
隔隣調夢到飛魂急書成卽席遙河流衝柱一作樹

轉海沫近槎飄吳市蟻螻甲巴賓翡翠翹他時未
知意重疊贈嬌媿

西溪

悵望西溪水潺湲奈爾何不驚春物少只覺夕陽
多色染嬌韶柳光含窈窕蘿人間從到海天上莫
爲河鳳女彈瑤瑟龍孫撼玉珂京華他夜夢好好
寄雲波

玄微先生

仙翁無定數時入一壺藏夜夜桂露濕村村桃水

香醉中拋浩劫宿處起神光藥裹丹山鳳棋函白
石郎弄河移砥柱吞日倚扶桑龍竹栽輕策鮫絲
熨下裳樹栽嗤漢帝橋板笑秦皇徑欲隨關令龍
沙萬里強

武侯廟古栢

蜀相階前栢龍蛇捧闕宮陰成外江畔老向惠陵
東大樹思馮異甘棠憶召公葉凋湘鷺雨枝拆海
鵬風玉壘經綸遠金刀歷數終誰將出師表一爲
問昭融

謝先輩防記念拙詩甚多異日偶有此寄

曉用雲添句寒將雪命篇良辰多自感作者豈皆
然熟寢初同鶴含嘶欲並蟬題時長不展得處定
應偏南浦無窮樹西樓不住烟改成人寂寂寄與
路綿綿星勢寒垂地河聲曉上天夫君自有恨聊
借此中傳

別薛巖賓

曙爽行將拂晨清坐欲凌別離真不那風物正相
仍漫水任誰照衰花淺自矜還將兩袖淚同向一

窓燈桂樹垂真隱芸香是小懲清規無以況且用
玉壺冰

腸

有懷非惜恨不奈寸腸何卽席迴彌久前時斷固
多熱應翻急燒冷欲徹空波隔樹澌澌雨通池點
點荷倦程山向背望國闕峩峩故念飛書及新懽
借夢過染筠休伴淚繞雪莫追歌擬問陽臺事年
深楚語訛

杏花

上國昔相值亭亭如欲言異香今暫賞脉脉豈無
思援少風多力墻高月有痕爲含無限意遂對不
勝繁仙子玉京路主人金谷園幾時辭碧落誰伴
過黃昏鏡拂鉛華膩爐藏桂燼溫終應催竹葉先
擬詠桃根莫學啼成血從教夢寄魂吳王採香逕
失路入烟村

燈

皎潔終無倦煎熬亦自求花時隨酒遠雨夜背窓
休冷暗黃茅驛暄明紫桂樓錦囊名畫掩玉局敗

棋收何處無佳夢誰人不隱憂影隨簾押轉光信
筆文流客自勝潘岳儂今定莫愁固應留半焰迴
照下幃羞

獨居有懷

麝重愁風逼羅疎畏月侵怨竟迷恐斷嬌喘細疑
沉數急芙蓉帶頻抽翡翠簪柔情終不遠遙妬已
先深浦冷鴛鴦去園空蛺蝶尋蠟花長遞淚箏柱
鎮移心覓使嵩雲暮迴頭灞岸陰只聞涼葉院露
井近寒砧

酬別令狐補闕

惜別夏仍半迴途秋已期那修直諫草更賦贈行
詩錦段知無報青萍肯見疑人生有通塞公等繫
安危警露鶴辭侶吸風蟬抱枝彈冠如不問又到
掃門時

有感二首

乙卯年有感丙辰年詩成

九服歸元化三靈叶睿圖如何本初輩自取屈
誅有甚當車泣因勞下殿趨何成奏雲物直是滅
崔蒲證逮符書密辭連性命俱竟緣尊漢相不早

辨胡雛鬼籙分朝部軍烽照上都敢云堪慟哭未
免怨洪爐

丹陛猶敷奏彤庭歛戰爭臨危對盧植

是晚獨召故相彭陽

入公始悔用龐萌御仗收前殿兇徒劇背城蒼黃五色捧掩遏一陽生古有清君側今非乏老成素心雖未易此舉太無名誰瞑銜冤目寧吞欲絕聲逃聞開壽讌不廢用咸英

崇讓宅東亭醉後泐然有作

曲岍風雷罷東亭霽日涼新秋仍酒困幽興暫江

鄉搖落真何遽交親或未亡一帆彭蠡月數鴈塞門霜俗態雖多累仙標發近狂聲名佳句在身世玉琴張萬古山空碧無人髣免黃驂騶憂老大鷓鴣妬芬芳密竹成虛籟孤蓮汨晚香如何此幽勝淹卧劇清漳

卽日

地寬樓已迴人更迴於樓細意輕春物傷醒屬暮愁望賒殊易斷恨久欲難收大勢真無利多情豈自由空園兼樹廢敗港擁花流書去青楓驛鴻歸

杜若洲單棹應分定辭疾索誰憂更替林鴉恨驚
頻去不休

鏡檻

鏡檻芙蓉入香臺翡翠過撥絃驚火鳳交扇拂天
鵝隱忍陽城笑喧傳郢市歌仙眉瓊作葉佛髻鈿
爲螺五里無因霧三秋只見河月中供藥剝海上
得綃多玉集胡沙割犀留聖水磨斜門穿戲蝶小
閣鎖飛蛾騎檐侵鞦韆卷車帷約憶釵傳書兩行鴈
取酒一封駝橋迴涼風壓溝橫夕照和待烏燕太

子駐馬魏東阿想像鋪芳褥依稀解醉羅散時簾
隔露卧後幕生波梯穩從攀桂弓調任射莎豈能
拋斷夢聽鼓事朝珂

聖女祠

杳藹逢仙跡蒼茫滯客途何年歸碧落此路向皇
都消息期青雀逢迎異紫姑腸迴楚國夢心斷漢
官巫從騎裁寒竹行車蔭白榆星娥一去後月姊
更來無寡鵠迷蒼壑羈凰怨翠梧唯應碧桃下方
朔是狂夫

魏侯第東北樓堂郢叔言別聊用書所見成
篇

暗樓連夜閣不擬爲黃昏未必斷別淚何曾妨夢
魂疑穿花透迤漸近火溫磨海底翻無水仙家却
有村鎖香金屈戌帶酒玉崑崙羽白風交扇冰清
月印盆舊歡塵自積新歲電猶奔霞綺空留段雲
峯不帶根念君千里舸江草漏燈痕

靈仙閣晚眺寄鄆州韋評事

愚公方住谷仁者本依山共誓林泉志胡爲樽俎

間華蓮開齒舊荆玉刻孱顏爽氣臨周道嵐光出
漢關滿壺從蟻泛高閣已苔斑想就安車召寧期
負矢還潘遊全壁散郭去半舟閒定笑幽人迹鴻
軒不可攀

賦得月照水池

皓月方離海堅冰正滿池金波雙激射璧彩兩參
差影占徘徊處光含的皪時高低連素色上下接
清規顧兔飛難定潛魚躍未期鵲驚俱欲遠狐聽
始無疑似鏡將盈手如霜恐透肌獨憐遊翫意達

曉不知疲

永樂縣所居一草一木無非自我今春悉已
芳茂因書卽事一章

手種悲陳事心期翫物華柳飛彭澤雪桃散武陵
霞枳嫩棲鸞葉桐香待鳳花綬藤縈弱蔓袍草展
新芽學植功雖倍成蹊跡尚賒芳年誰共翫終老
邵平瓜

南潭上亭讌集以疾後至因而抒情

馬卿聊應召謝傳已登山歌發百花外樂調深竹

間鷁舟縈遠岫魚鑰啓重關鸞蝶如相引烟蘿不
暇攀佳人啓玉齒上客領朱顏肯念沉疴士俱期
倒載還

搖落

搖落傷年日羈留念遠心水亭吟斷續月幌夢飛
沉古木含風久踈螢怯露深人間始遙夜地迴更
清礎結愛曾傷晚端憂復至今未諳滄海路何處
玉山岑灘激黃牛暮雲屯白帝陰遙知霑洒意不
減欲分襟

戲贈張書記

別館君孤枕空庭我閉關池光不受月野氣欲沉
山星漢秋方會關河夢幾還危絃傷遠道明鏡惜
紅顏古木含風久平蕪盡日間心知兩愁絕不斷
若循環

念遠

日月淹秦甸江湖動越吟蒼梧應露下白閣自雲
深皎皎非鸞扇翹翹失鳳簪牀空鄂君被杵冷女
嬃碓北思驚沙鴈南情屬海禽關山已搖落天地

共登臨

賦得桃李無言

夭桃花正發穠李藥方繁應候非爭艷成蹊不在
言靜中霞暗吐香處雪潛翻得意搖風態含情泣
露痕芬芳光上苑寂默委中園赤白徒自許幽芳
誰與論

喜雪

朔雪自龍沙呈祥勢可嘉有田皆種玉無樹不開
花斑扇慵裁素曹衣詎比麻鸞歸逸少宅鶴滿令

威家寂寞門扉掩依稀履跡斜人疑游麪市馬似
困鹽車洛水妃虛妬姑山客漫誇聯辭追許謝和
曲本慙巴粉署闈全隔霜臺路漸賒此時傾賀酒
相望在京華

五言排律

終

